

爛喉丹痧瑣言

未412
8-2

爛喉丹痧瑣言

辛丑年秋季起至壬寅四月抄止

上年秋季起、至今夏止、患爛喉丹痧證、凡三變、上年證見亢熱無汗、肌霄枯赤、點粒燥紫、喉間赤腫辣痛、脈疾無倫、此乃秋令燥降、冬不潛藏、邪火熾於少陽、陽明投治、重用滋清、不可絲毫辛散、非特防風荊芥宜忌、即薄荷亦慎用、交春後木漸上升、易感外邪、且春氣在頭、證見亢熱無汗、兩頤鼓腫、治法重投清滋、參以宣化、如僵蟬大力馬勃、二月初至三月中旬、屢次霖雨、證起上吐下泄、立刻喉痺、壯熱見點、危變愈速、不過三四日、即投擠、更難着手、

證辨內因外感。古來論麻疹者。僉云胎病。李士材謂爲太陰風熱。余謂胎毒外感。皆可發疹。獨上年至今之證。不在二者之例。若在肺衛。何以並不咳嗽。若云胎毒。何以並患一時。

證辨邪張邪鬱。邪張者。如鼓洪爐。火門盡開。若加辛味。卽燎原矣。邪鬱蓋有數端。鬱於營分。心中煩懊。鬱於衛分。面部微浮。氣粗息促。若風痰鬱於陽少絡中。則兩頤及頸皆腫。治法各殊。營分者。翹薄丹梔清泄營熱。衛分者。有汗宜清化。黃芩花粉。無汗宜宣發。浮萍柳柳皆可。

用入鬱於絡中用僵蟬大力蒲公英

李士材謂斑屬陽明血熱疹屬太陰風熱此指時感而言且太陰疹點聳於皮外今年疹粒皆隱肌內係從陽明發出此正肺主皮毛胃主肌肉之分

或問邪入陽明何不發癍曰胃爲多氣多血之海邪從血分發出爲癍葉氏所謂有觸目之色無着手之質若從氣分發出則爲疹氣血同病則疹中夾癍今年每每見之特診者不察耳

方書謂痲疹吐泄者吉亦指時感出疹中氣通利點易

暢透且吐利二三次卽止。獨今年之證、一直瀉至危殆。又麻疹吐泄、皆屬於熱、胃熱則吐、脾熱則泄。今年之證、泄多吐少、伏邪多在太陰、故難治。脈沈細者更危。所謂溫病多死下虛人也。

或問光緒十七年辛卯秋冬患喉痧者、輒斃。至十八年春令、卽平。何以今年延綿獨久、且病態屢變、願知其詳。曰、上年秋燥冬溫、與辛卯年相仿。今年病延多變、當從運氣推求。按今年壬寅化運、與年支相合。

壬爲木、化寅屬支木。

爲

歲會係木運太過、發生之紀。春令腠開、易感。且春氣在

頭故喉連頸腫上半年少陽司天初之客氣爲少陰君

火木火會合是以見證如此之劇三月後證先吐泄者

因二之客氣爲太陰濕土又值淫霖之後故見吐泄卽

經所謂土鬱之發是也凡化運與司天合爲天符丁亥年丁

爲化木之運亥如本年爲歲會三氣相合爲太乙如己丑戊

午等年已爲土化丑爲土支又直太陰司天故云三合總之五運六氣不可過泥

亦不可不知吳醫彙講言之頗詳

同人經診此證上年秋冬用大劑清滋今春參用清宣

三月後發證之先必作吐泄投劑尤難或用苓半或用

四苓或於清宣藥中加藿香以宣上焦壅熱因證處方效否參半

若證從營分發出尤着意在血熱營阻四字凡見肌霄枯錯痲點晦紫卽投紫草赤芍芫蔚紅花涼血活血之劑輒收奇效

一鄉童痲證已回肌霄甲錯皮蛻肉硬

如鱗如甲鼻柱紅色寒熱不清余曰此風入脈中卽經謂脈風成爲癘也用四物秦芫蟬蛇蛻加皂角針數劑

肌錯方軟

一鄭性童年十一歲

父名順榮謙泰刑股東

患喉痧

極重回後旬餘頸領鼓腫引連胸背瘍科謂爲結毒余

曰結毒者毒結一隅此乃遺毒

或作
頤毒

故漫腫也用僵蟬

牛旁連翹薄荷蒲公英花粉白芷加炙甲片以破營舍
三劑漫腫皆消結一徧毒針膿而愈間一二十日忽然
喉又阻閉投清宣並用刺而愈皆屬遺毒爲患也大凡
熱邪遺留多在營分血凝熱鬱遂生外瘍若衛氣慄悍
祇能與邪搏激而邪不能留按經云皮膚之內腸胃之
外爲營舍昔人治瘰癧必用山甲以破營舍因瘰癧邪棲
於營傾其舍則邪無所棲也

荊芥薄荷爲治麻疹要藥上冬至今之證薄荷尙可用

入、一用荊芥、無不加劇、綠薄荷辛涼、味香、氣清、荊芥性溫、味辛、氣雖香而帶濁、向來用荊芥者、多由外感、凡營分熱熾者、最忌、不可爲成方所誤也、新街尤姓一婦、年二十餘、壯熱、神疲、喉痺、發癩、便泄無度、庸醫誤投紫蘇、荊芥、證變、口開目張、齒痙、神昏、半日卽逝、伏邪從厥太兩陰發出、陰血先已耗涸、邪火熾張如爐、再進芳香、煽竄、有不燎原者乎、但須辨清伏氣、新感、氣分、營分、邪鬱邪張、卽無此誤矣、

問向來此證、每多自汗、何以今年獨否、曰、汗之機、枯、雖

在衛、而汗之根原則在營、上年之證、從內發外、營血因

熱而滯、故無汗、治法多用清營活血之劑、

氣之行者爲衛、血之行者

爲營

又問溫邪一入陽明、理應多汗、曰、邪入而衛速營諧、

故多汗邪鬱、而血熱營阻、故無汗、

三月後所發之證、類多汗

問斑疹以發出爲無虞、何以今年之證、有點粒徧透身

已蛻皮、內熱尙熾、肌霄焮赤、而仍弊命、有痲點不多、僅

見胸腹、頸上全無、而無恙者、曰、向來時證、溫邪入營爲

斑、肺感風熱成疹、必以發出爲快者、恐有餘邪留着也、

今年之證、伏邪本從內發、邪重者出雖多、而餘蘊尙熾、

延至陰正耗竭故不起邪輕者點粒雖少而邪已盡故無虞投劑忌用辛散者因此

此番病發內外兩因秋燥冬溫河水乾涸天時也溫燥則陰耗陽浮河涸則吸穢漬胃因天時而及人事也他如洋爐洋油棉攪豆油麩用洋碱皆從口鼻吸受故病發陽明爲多與仲師之清濁互中李羅之兵荒勞役扶正祛邪吳氏之專用攻下劉松峰之泛說疫證秦皇士之六淫成疫傷寒大白皆屬不同惟余師魯之熱疫相符善乎陳徵君之言曰因一時之症立處方之法最爲確論

合門傳染大小相同及證狀變幻難名者皆謂之疫先

辨伏氣時感再將運氣推求治法清化之外重在解毒

張石頑用人中黃香鼓葱頭童便葉氏用銀花銓汁龔

雲林用二仙丹

皂角大黃兩味
出萬病回春

及內府升降散

僵蠶蟬
衣廣鬱

金製
軍炭

喻氏謂上焦如霧升而逐之中焦如漚疏而逐之

下焦如瀆決而逐之必標明佐以解毒四字蓋鄭重乎

言之也

上年至今之證痲點雖見而一片如錦不分糲粒口舌

糜腐目障唇腫齒垢如漆口穢噴人醫者輒謂水耗火

炎重用滋清、腕作痞悶、或加犀角升麻、亦復不效、此乃
飲食有形之毒、蘊於陽明營分、應於清營葯中、加用蘆
根四兩、查炭三錢、冬春加白蘿蔔汁、無汁用子、方可奏
功、治法載秦皇士傷寒大白中、並有升麻清胃法、

溫疫
經緯

中引
此方

附大白原方

升麻清胃湯 升麻 川連 生地 丹皮 甘草

木通 乾葛清胃湯、清陽明氣分熱毒、此方清陽

明血分疫毒、故斑謔口燥唇焦、熱而消水、氣分熱也、

用乾葛清胃湯。若口燥唇焦、熱不消水、血中伏火、升麻清胃湯。大凡膏粱積熱、口臭唇焦、牙根腐爛、多用此方。以葷腥能傷血分耳。加查炭砂仁、善消油膩葷腥。加木通合導赤各半湯、能利小便。加枳壳合川連枳壳湯、而清大腸、積熱邪火傷血、則發癰、濕火傷血、大便泄燥、火傷血、大便結、當歸大黃丸清血中燥火、潤大腸、結、余化用此方、治燥火傷血、腹中赤痢、止大腸之泄。

業醫先辨藥性、近來所用猴棗、綱目不載、拾遺載有猴

經色紫成塊、與羊哀鮮答相仿。

猴經色黑、羊哀色白、鮮答卽羊哀一類。

治

乾血勞、乃以類相從也。俗傳此棗來自兩廣、南洋檳榔嶼一帶、出猴膈袋中、又云刮破猴臂、朝夕吮舔而成。甚有將棗塞入猴口、逾時取出、名爲猴棗、更可噴飯、按猴性動喜淫、內結之棗、性必辛散、能治喉痺、痺者閉也。若丹痧爛喉、未識宜否。余經診此證、從未開用、蓋遵吾師未達不敢嘗之義也。務希滬上經用博雅諸君子、考究道地性味、登載報牘、以公同道。

附案

治案甚多、因限篇幅、且近自誇、故僅摘錄數案。

何子霄堂兄炳生上冬嚴寒患爛喉痧證亢熱無汗
喉間紅白腫腐水谷難嚥肌霄焮赤麻點深紫按之
仍有白迹六脈數疾無倫舌絳起刺燥渴不多飲心
神煩懊不堪尤苦者起病六七日未得片刻安寐前
醫於清宣藥中用荊芥一劑加劇再劑噦逆不止純
係一團毒火熾於少陽陽明之界余用大劑滋清鈴
羊角爲君元參生地鮮斛等每味總以兩計一劑證
減得寐一直清劑而愈病由陽明營分發出加以少
陽三焦相火熾扇故證勢甚劇然治之甚易也此證

因舌光無苔、故苓連亦未敢用、恐苦味化燥也。

此用
苓連

須舌有苔、若光絳者、胃陰涸而中氣亦
餒、不任苦降之性、且苦味爲燥化也。

本城西瀛里謙泰昶店徒吳姓、徽州人、係吳朗甫同

族、今年二月中、患爛喉丹痧、已造極中之極、亢熱無

汗、喉中紅腫、白腐幾無隙地、口舌糜爛、滿齒陰黃、頸

頷鼓腫、湯水難嚥、言語不清、肌霄燻枯、痲點炊紫、自

頸以上、點粒未見、此所捻頸痲、係逆證。

痘屬陰、痲屬
陽、兩顧兩顧

透齊、別處雖
少、亦無妨也。

蓋熱毒熾於營分、風痰鬱於絡中、余用

羚羊元參鮮地以清邪、翹薄以涼膈、僵蠶大力以宣